

王強 主編

近代世界史文獻叢編

47



廣陵書社

近代世界史文獻叢編
47



廣陵書社

貴州師範學院內部使用

第四十七册

日本源流考(三) 王先謙 撰 清光緒二十八年 長沙王氏家刻本 一

日本源流考卷十五

長沙王先謙益吾撰

和漢年契稱光天皇諱躬仁後小松之長子日本國志母光範門

院藤原氏

癸十一應永二十年

甲十二應永二十一年和漢年契行卽位禮

乙十三應永二十二年日本外史入足利氏中十九年帝讓位於皇太子是爲稱光帝諸南朝遺臣請立後龜山

後如約足利氏議立南朝皇胤者非我家之志也終不聽其請於

是諸國兵起二十年伊達氏懸田氏起於陸奥持氏令畠山國詮

攻之二十一年北山氏關氏起於伊勢義持令土岐賴益攻之明

年皆平日本外史五楠氏北畠氏後十三年後小松禪位後龜山皇子當立足利氏乃立後小松皇子是爲稱光帝楠氏及北畠

氏並訴之欲如約足利氏弗聽則並起兵足利氏約帝後當傳於
南朝皇子
乃止兵
丙十四應永二十三年和漢年契上杉氏憲作亂

江南經略永樂十四年正月十二日倭寇突犯崇明縣治城陷入之殺擄官民三百餘人事聞發鎮江鎮海二衛百戶十員率軍一千餘名禦擊之寇平遂隸崇明守禦所守城其舊戍官軍發入水寨自是賊無入境者

籌海圖編永樂十四年六月倭犯山東靖海衛倭舟三十二艘泊靖海衛楊村島都督同知蔡福等合山東都司兵擊敗之

丁酉十應永二十四年和漢年契討氏憲平之

明史日本傳十五年倭寇松門金鄉平陽有捕倭寇數十人至京者廷臣請正法帝曰威之以刑不若懷之以德宜還之乃命刑部員外郎呂淵等齎敕責讓令悔罪自新中華人被掠者亦令送還明年四月其王遣使隨淵等來貢謂海寇旁午故貢使不能上達其無賴鼠竊者實非臣所知願貸罪容其朝貢帝以其詞順許之

禮使者如故然海寇猶不絕

籌海圖編永樂十五年倭寇沙園所邊將執其酋首送京師詔待以不死遣刑部員外郎呂淵等使日本璽書責以敬天事大之義諭還所掠海上人次年淵還其國王亦遣刺史奉表稱謝又是年寇浙江松門金鄉平陽諸處

戊五應永二十五年和漢年契義持殺義嗣

日本外史入足利氏中當此之時關東兵

力倍於京師而天子廢立公卿易置則京師專之威權無比世俗呼曰公方初義滿定幕府官政武衛細川畠山氏更爲管領謂之三管山名一色京極赤松氏更爲侍所別當謂之四職武衛即斯波氏京極即佐佐木氏也武田小笠原氏更司弓馬禮式吉良今川澁川氏更爲武者頭伊勢氏爲奏者謂之七頭關東亦擬之自稱曰公方故上杉憲房之後世居鎌倉山內憲房兄仲憲其後世居扇谷稱兩上杉更爲管領而故氏滿弟滿直管陸奧出羽號曰三管千葉小山長沼結城佐竹小田那須宇都宮八族曰八館當持氏之時上杉氏憲執事持氏與之有隙氏憲辭職以上杉憲基代之憲基憲定子憲房玄孫也氏憲重顯玄孫也持氏叔父曰滿隆頗有聲望養姪滿仲爲子氏憲說滿隆曰公方耽溺酒色不可統帥而憲基爲政又有偏私匡邪靖難非君而誰君若舉事臣請

輔之乃矯義持教令密招將士將士競附二十三年十二月氏憲將兵奉滿隆滿仲以圍持氏持氏大驚遽騎馬而走走入憲基佐介第憲基令族氏定拒之眾寡不敵持氏夜出西走從士多爲追兵所殺至藤澤道場氏定自刃憲基奔越後諸敗軍聞持氏在伊豆國清寺皆來集焉持野介某黨於氏憲來攻破之持氏走駿河依今川範忠告急於京師京師方流言大納言義嗣以不得立竊懷觖望與氏憲通謀欲伐義持義持迫義嗣使削髮幽之於相國寺下殺關東將士令救持氏憲基起兵越後江戶氏豐島氏二階堂氏並起兵武藏以討氏憲氏憲遣兵攻之敗歸氏憲壻岩松持國起兵上野以應氏憲二十四年正月氏憲與持國夾攻武藏勝而平之既而持國驕恣將士離心氏憲終敗歸而附持氏者日眾持氏乃以今川氏大森氏葛山氏兵攻鎌倉復之滿隆滿仲氏憲及氏憲宰長尾氏春等皆自殺於雪下僧舍持國聚殘日本國志明兵與持氏將舞木宮內戰兵敗被擒明年義嗣暴卒遣刑部員外郎呂阿等齎敕詰海寇並責令送還所掠中國人義持遣僧等持告絕好明使至太宰府而歸

江南經略永樂十六年二月倭寇入金山衛指揮同知侯端擊破之端素剛勇初抵任以金山東南要害修城濠備器械練士卒爲戰守備至是倭寇登岸端與指揮闕字分兵出戰卻出南門全

軍皆覆賊由南門入城斷各門橋端孤軍在東門不得入乃引兵至西門橋亦斷仰天歎曰城亡吾分當死安可偷生遂策馬一躍過河入西門眾不能繼與賊巷戰數十合身被箭如蝟轉戰至衛門賊驚曰好將軍也乃以所掠染家布橫於街欲生致之端馳至以一劍挑布一劍截而斷之賊仆地而笑端由是得馳出東門次楊家橋鳴鼓招散卒得百人令曰今潮退舟膠人持草一束與礮俱進至海灘焚賊舟十餘艘賊不得歸遂大敗

己十七應永二十六年和漢年契行釋奠日本國志二十六年明使余某復來先是有載馬匹硫黃稱入貢者實日向土豪私船也成祖以無表不受至是使其徒十六人還義持令人持漢文阻之略曰修好通商靖邊利民非不甚願然我朝凡百聽神神所不許雖細故不敢舉行先君自承麻服雨暘不和尋罹疾疚易簀之際遺

命誓神宜絕通信嚮既再申此意使今猶至殆未之通耶若夫流賊暴掠海島實逋逃兇徒所爲國家不與知聽上國力勦鋤之而已終義持之世絕不相通

明史日本傳十七年倭船入王家山島都督劉榮率精兵疾馳入望海埭賊數千人分乘二十舟直抵馬雄島進圍望海埭榮發伏出戰奇兵斷其歸路賊奔櫻桃園榮合兵攻之斬首七百四十二生禽八百五十七召榮至京封廣寧伯自是倭不敢窺遼東

籌海圖編永樂己亥中軍都督府左都督劉江總兵鎮遼東甫至卽相地形勢請於金線島西北之望海埭築城堡立烽堠一日瞭者言東南海中王家島夜有火光寇將至江亟遣馬步軍校赴海上小堡備之翌日倭賊二千餘人以數十海艚泊馬雄島魚貫而上直逼埭下一賊貌甚醜惡指揮諸賊如入無人之境江得報但

令犒師秣馬略不爲意徐令都指揮徐剛伏兵山下百戶姜隆率壯士潛燒賊船截其歸路約曰旗舉伏起礮鳴奮擊不用命者戮既而賊至江披髮舉旗鳴礮伏兵盡起爲兩翼而進賊遂大敗奔崖櫻桃園空堡中我師追逼環而攻之且請入堡勦殺江不許故開西堡縱之仍分兩翼夾擊生擒數百人斬首千餘級聞有潛脫而逃竊者復爲隆所縛無一人得免者諸將請曰公見敵意氣安閒惟飽士馬及臨陣披髮而戰追賊入堡不殺而縱走之何也江曰窮寇遠來必饑且勞以逸待勞以飽待饑法也賊始魚貫成長蛇陣故作真武狀以鎮服之雖愚士卒之耳目亦可借以壯其氣賊既入堡有死而已我師臨之彼必死關我兵寧無傷乎故縱之生路而後掩擊之卽圍師必缺之意耳事聞徵至京師面慰勞之封廣寧伯食祿一千二百戶子孫世襲

庚子八應永二十七年和漢年契明遣使來

辛丑九應永二十八年

壽海圖編永樂十九年正月辛巳副總兵李珪敗倭於潮州靖海
海濱珪光以昌化之陷戴罪殺賊大敗賊於靖海生擒十五人斬
首五級悉送京師

壬寅十應永二十九年

壽海圖編永樂二十年倭寇浙東朱亮祖徐忠擊敗之亮祖破之
於温州忠破之於桃渚斬獲獻俘由是賊始知戢斂

癸卯一應永三十年四裔編年表足利義量爲將軍

甲辰二應永三十一年和漢年契南帝後龜山崩（日本外史入足利氏中二十九

年佐竹某叛持氏持氏與戰於比企谷斬之小栗滿重宇都宮持
綱又叛據結城持氏令上杉氏小山氏擊之明年持氏自將攻結
城拔之斬滿重持綱京師援軍至駿河聞事平而歸持氏凱旋至
武藏府聞義持庇故氏憲孤子某也怨之有畔心欲移兵西上三

十一年三月義持遣僧服西堂至武藏諭持氏弭兵持氏不聽西堂往來辨說請義持持氏約爲父子至九月和成持氏乃歸鎌倉義持性煥情時會京畿無事以游宴爲事使三管四職更治具招請先是一歲讓軍職於長子義量而自削髮稱道詮

籌海圖編永樂二十二年寇象山縣丞宋眞教諭蔡海死之眞持

竿擊賊海罵賊不屈皆被害

乙仁宗洪

應永三十二年和漢年契義量薨義持再視事

丙宣宗宣

應永三十三年

籌海圖編宣宗宣德元年入貢人船踰數刀劍過多特諭來使令

後貢船不過三隻使人毋過三百刀劍勿過三十不許違禁

丁二應永三十四年和漢年契赤松滿祐反討平之

日本外史八足利氏中三

十二年義量卒義持再聽政寵赤松持貞持貞貞範孫也初貞範弟則祐以功領播磨備前美作以傳於子義則三十四年義則卒四子則友滿祐祐之義雅則友天滿祐爲嗣襲領三州義持欲削其所領予之持貞滿祐怒自焚其第奔歸播磨義持遣細川持元山名滿熙往擊之諸將多與滿祐連姻不欲往十月連署訴持貞亡狀義持不得已令持貞自裁而赦滿祐歸京師

戊三 正長元年四裔編年表改元和漢年契秋七月帝崩年二十

七在位十六年義持卒日本外史八足利氏也義持疾作正長元年正月薨至內大臣右近衛大將從一位

初義持有六弟憲義嗣之嗣皆以爲僧及義持疾篤無嗣子幕議或欲擇其一人爲嗣或屬意於持氏持氏亦冀立管領畠山滿家建議不若質之神也自赴石清水祠闕之得義圓義圓者義持第三弟爲清蓮院僧正於是蓄髮及義持薨入室町爲喪主三月敎爵以其髮猶短哀頭以見諸將更名義宣後更義敎七月稱光帝崩義敎迎崇光帝曾孫於伏見立之初崇光南遷後光嚴以太弟卽位崇光遷居伏見欲立其子榮仁屬之於細川賴之賴之不奉詔立後圖融以至於帝伏見氏日微上皇憫之下宣以榮仁子貞成爲無品親王中外皆稱有如宮車晏駕親王必立也帝聞之弗擇貞成削髮以示意焉貞成子曰彥仁及帝有疾上皇與義敎決議令管領滿家迎彥仁立之是爲後花園帝後龜山皇子冀立而不得怒奔伊勢

後花園天皇

日本國志後花園天皇諱彥仁後伏見五世孫北朝崇光曾孫父

貞成親王母敷政門院源氏年十歲卽位

己四 永享元年和漢年契改元四裔編年表義敎任將軍日本外史八足

利氏中明年北畠氏越智氏並起兵義教令土岐持數攻北畠氏破之以皇子歸實之嵯峨令畠山持國攻越智氏於高島城未能下是歲改元永享朝議謂正長之號於王室將家皆爲凶也而持氏愾不得爲將軍猶私用正長曰吾何屈於還俗將軍乎義教亦自知天下多不服己者銳意爲政待諸將不假辭色軍國之事多所釐革日本外史五楠氏北畠氏及稱光崩無嗣足利氏復索北朝皇族立之後龜山天皇之子曰小倉者自京師走伊勢依北畠氏起兵戰敗講和歸京師削髮入萬壽寺

戊五 永享二年和漢年契持基爲攝政義教敘從一位四裔編年

表徙筑紫豪族於都城行大嘗會禮

亥六 永享三年和漢年契義教詣伊勢高野

子七 永享四年和漢年契冬十二月足利義教聘於明四裔編年

表游駿河獵於不二山日本外史八足利氏中二年徙鎮西豪傑以充京師又欲圖東南三年游伊勢及紀

伊四年游駿河館今川範政宣言觀岳是時越智氏猶據高島城城固不拔者數歲義教益遣兵攻之日本國志永

享四年明宣宗皇帝念日本久不貢命中官柴山往琉球令其王

轉諭日本賜之敕將軍源義教遣僧道淵上表乃有貢茅不入固

緣敝邑多虞行李往來願復治朝舊典語

明史日本傳宣德七年正月帝念四方蕃國皆來朝獨日本久不貢命中官柴山往琉球令其王轉諭日本賜之敕明年夏王源義教遣使來帝報之賚白金綵幣秋復至

籌海圖編宣德七年來貢如約束受之使者不知禮法甚擾於民禁之

案七年帝遣使八年倭使來明外史與正史合非七年也此七誤當作八

明會典宣德間使臣至通州湯飯令行在光祿寺辦送至濟甯州浙江布政司并寧波府茶飯管待

癸丑八 永享五年和漢年契持基爲關白明遣使來四裔編年表義教遣使於明日本國志明年宣宗復遣內官雷春裴寬鴻臚少卿

潘錫等送還賚銀綺緞匹等物

考日本書詳載當時賜物今備錄於下以徵一時典章皇帝頒賜日

本國王白金二百兩妝花絨錦四匹四季寶相花藍一匹緞金胸背
一匹細花紅二匹紵絲二十匹緞金胸背麒麟紅一匹緞金胸背
獅子紅一匹緞金胸背白釋綠一匹晴花骨朵雲青一匹緞金胸背
綠四匹晴細花綠一匹晴細花青一匹素青三匹素紅二匹素綠
三匹羅二十匹絨金胸背麒麟紅一匹素青一匹素金胸背獅子青一匹
金胸背虎豹絨一匹絨金胸背麒麟紅一匹素青一匹素金胸背獅子青一匹
匹素紅五匹素藍三匹素青三匹素柳綠二匹素金胸背麒麟紅一匹素柳青一匹
綠一匹素茶褐一匹紗二十匹織金胸背麒麟紅一匹素柳青一匹素金胸背
獅子紅一匹素茶褐一匹紗二十匹織金胸背麒麟紅一匹素柳青一匹素金胸背
胸背虎豹絨一匹絨金胸背麒麟紅一匹素柳青一匹素金胸背獅子青一匹
骨朵雲藍二匹晴花八寶骨朵雲紅一匹晴花骨朵雲青二匹晴花
青一匹彩絹二十匹綠七匹紅七匹藍六匹王妃白金一百兩妝
花絨錦二匹細花紅一匹四季寶相花藍一匹紵絲十匹緞金胸
背犀牛紅一匹細花青一匹馬青一匹晴花一匹素青一匹素紅一匹
晴細花紅一匹羅八匹絨金胸背麒麟紅一匹素青一匹素金胸背
匹素藍二匹素紅二匹素青二匹素柳一匹素金胸背麒麟紅一匹
匹素藍二匹素紅二匹素青二匹素柳一匹素金胸背麒麟紅一匹
子綠一匹緞金胸背犀牛紅一匹暗花骨朵雲藍一匹暗花骨朵
雲青一匹素紅一匹素青一匹素柳一匹素金胸背麒麟紅一匹
日本國王并王妃硃紅漆彩妝戲金轎一乘大紅心青邊織金花
紵絲坐褥一箇腳踏褥二箇大紅心青邊金紵絲坐褥一對大紅
絲褥二箇腳踏褥二箇大紅心青邊金紵絲坐褥二箇硃紅漆絨

金交牀二把大紅羅銷金梧桐葉織二把渾織金紵絲十四匹渾織
金羅十四匹渾織金紗十四匹綵絹三百匹銀盃等器二十件各色絲
綵繡圖金各樣花鏡袋十箇珠紅漆戲金寶相花摺疊面盆架二
座鍍金事件全古銅點金斑花瓶二對古銅點金斑香鑪二箇象
牙雕荔枝烏木梓癢合子二箇香兒一百箇珠紅漆戲金梳二箇象
骨藥全黑漆戲金梳二十箇藥全鮫燈籠四對雲頭梳竿全龍香
黑二十箇青廣信紙五百張兔毫筆三百枝各樣箋紙一百枚蛇
皮五十張猿皮一百張虎皮五十張熊皮三十張豹皮二十張芥
香十箱每箱五十斤鸚哥二
十箇宣德八年六月十一日

籌海圖編宣德八年日本國王源義教卒上命太監雷春少卿潘
賜等出使垂弔以盡懷柔之意

案義教死在正統六年此誤文

甲九 永享六年和漢年契後小松崩年五十七日本國志六年道
淵引錫等至駒騎至千二百餘匹八月雷春等還義教又遣僧中
誓隨行上表表有爭覩使星光彩則知官儀中興秋水長天極目
雖迷上下春風和氣同仁豈阻東西等語